



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Tractatus De Fiducia In Deum Plurimas Et Utilissimas pro
vitâ spirituali instructiones Continens, Præcipue Ad
Obtinendam magnam animæ quietem, & afflictiones
quascunque ingenti cum solatio & fructu ...**

Dusault, Nicolas

Coloniæ Agrippinæ, 1660

§. 18. Exempla Regis Ezechiaë. S. Lydvvinæ. S. Simeonis styl. S. Martini,
&c.

[urn:nbn:de:hbz:466:1-50333](https://nbn-resolving.org/urn:nbn:de:hbz:466:1-50333)

re sua disponat pro libitu suo; nos siquidem
 usum tantum earum rerum accepimus qua
 tenemus; commodatis enim facultatibus
 Deo utimur & quasi precarii possessores
 sumus, ut loquitur Salvianus. Immo non ignorat
 nihil ab eo fieri quod non tendat in magis
 bonum nostrum, ipsi potius gratias agere
 nemur pro ista qualicunque commutatione,
 retinentes semper mentibus nostris insistentem
 de bonitate eius infinitam fiduciam, adeo ut
 non resistamus ejus consiliis, jactura omnis
 ipso dirigente cedit ad magnum emolumenta
 rum nostrum.

Exempla.

§. XVIII.

Ezechia Regis.

Cum accepisset Rex Juda Ezechias, ut narra-
 tur 4. Reg. c. 19. literas Sennacherib
 Assyriorum Regis minis blasphemisque plenas,
 & legisset eas, ascendit in Domum Domini,
 & expandit eas coram Domino, & oravit in
 conspectu ejus, ut ab eo obtineret auxilium
 contra potentissimos hostes suos, siquidem
 in Domino Deo suo habebat fiduciam quod
 ipsis adeo hostibus notum erat, ut tamen cum
 tanquam vanam riderent. Verum rex puer-
 mus divinam fretus ope magis sprevit Sacre-

gas

gas comminantium voces testatus nullis hominum minis sibi eripi posse fiduciam in Deo collocatam. Quò enim, inquiebat, spectant illæ comminatoriæ barbari regis literæ? Num fortasse cogitat nobis timorem incutere? An nescit omnia bona nostra, spes omnes vitæ nostræ, corpus & animam in manu Dei esse constituta, à quâ nullæ nos creatæ vires valeant evellere aut tam firmo innixam præsidio pacem evertere? Quod si consilium Dei est, illo tamquam flagello uti ad delicta nostra castiganda, bene quidem; at si Deus pro nobis; quis contra nos? si suæ nos vult experiri protectionis beneficium, cuius minas formidemus? Quidquid accidat, toti Dei sumus: nec alium possumus, nec alium volumus Deum agnoscere quàm illum. Disponat ille de rebus nostris, de vitâ nostrâ, pro ut ipsi placuerit. Hoc certò scimus non conditos nos ab illo, ut perdamur; & quidquid demum evenerit, diriget ipse ad majus bonum nostrum. Idcirco omnem deponemus sollicitudinem, quia in Domino Deo nostro habemus fiduciam.

S. Lydvvinæ. Narratur in vita S. Lydvvinæ Virginis quod in maximis constituta doloribus quos totâ pene vitâ gravissimos passa est, solita fuerit Deum his blandissimis verbis
 N 5 allo-

alloqui: *Hac mihi consolatio, & ut affligenti dolore non parcas; amplector tuam feruentem manum, creator Domine Deus: argilla in terra versa me & reversa, finge me & forma pro me iudicaveris esse ad maiorem tuam gloriam & salutem meam; Ecce paratum cor meum Deus, paratum cor meum.*

S. Simeonis Stylitæ. Hic invictissime exemplar patientiæ singulari cum voluptate contemplabatur emergentes è vivo corpore vermes quos iussu Dei caro ejus voraces attriebat hospites, quibus ante mortem in pebulum data, eosque excitabat nonnunquam, ut appositâ escâ lautè vescerentur: manducante, inquebat, quæ Dominus dedit vobis.

Tertullianus exhibens aliam admirabilis patientiæ imaginem, lobi inquam in fimo testâ radentis defluentem è corpore suo simoniam, his utitur verbis: Immundam ulceris sui redundantiam magnâ æquanimitate detrahebat, & erumpentes inde bestiolas in eosdem specus & pastus foraminosa carnis ludendo revocabat.

S. Martini. De hoc sanctissimo Præsule legitur quod eximiâ suâ in Deum fiduciâ tantam consecutus sit pacem & tranquillitatem mentis, ut nullum unquam quicumque casus accidisset turbati animi aut tristiæ signum præ-

præ se tulerit. Contigit quodam die ut inci-
deret in prædonum manus, qui magno im-
petu circumfusi videbantur illum in frustra
concisuri; postea vero interrogatus, an non
fuisset gravi tunc terrore perculsus, nullo,
respondit: nec unquam minus timui, paratus
quippe eram libenter pati quidquid Dei nutu
mihi fuisset illatum. Hoc animo comparati
sunt quotquot ab unâ Numinis providentiâ
toti pendent. Interior animi pax qua fruun-
tur, inexpugnabili circumvallata est fiducia
quam de divinâ circa se curâ intimis concep-
tam medullis perpetuò retinent. Semper sibi
similes serena facie, ore hilari pœnitentiam a-
gunt, morbos excipiunt, injurias sustinent,
paupertatem tolerant, persecutiones patiun-
tur. Diceres mortales Angelos, aut immorta-
lem Deum qui mutationi nulli est obnoxius.
Confidera mihi immotam illam patientiæ
turrim S. Jobum, ait S. Chryostomus, eun-
dem videbis in sterquilinîo, qui erat in thro-
no suo, idem animo perstat coopertus cinere,
sanie fluens, vermibus scatens, qui erat olim
purpura ornatus & bysso. Sed dicet aliquis:
num sensum omnem perdidit? Non aestimat,
quam fecit, bonorum omnium jacturam, vir
ille magnus inter omnes orientales gloria &
divitiis regis celeberrimus? Falleris, inquit

N. 6

Chry-

Chrystomus, falleris, quisquis eum perdisse bona sua credis. Accepto nuntio de decem liberorum suorum morte, de ruinaedium, de clade servorum, de rapina camelorum, bouum atque ovium, jacturam etiam passus honoris & sanitatis suæ, his omnibus perditis, nihil perdidit, omnia bona sua tenuit, conservavit inviolata, possedit integra. Nam si verè loqui velimus non possidebat illa bona quàm Deum, & quam in divina positam habebat providentia fiduciam invincibilem; hæc ejus erant divitiæ, hi thesauri, hæc felicitas, hæc potentia, hæc verissima & unita bona, cetera ut commodata habebat. Idcirco nec exposulavit, nec questus est, quando illis repetit qui commodaverat, sed gratias laudesque Deo reddens exclamavit: *Dominus dedit. Dominus abstulit. Sit nomen Domini benedictum.*

§. XIX.

Deus quos amat, castigat.

Sanctissimus Ecclesiæ Doctor Augustinus amore suo præclare omnino super prædictum commentatur ostenditque singulari Devotione affici quicumque meretur ab eo affligi & cum castigatur, ferientis manum agnoscit, prorsus ad Deum tuum refer flagellum tuum